


THE CHINESE-JAPANESE LIBRARY  
OF THE HARVARD-YENCHING INSTITUTE  
AT HARVARD UNIVERSITY

DEC 20 1955

吟  
雲  
仙  
館  
詩  
稿



聖人儼  
居而

正氣  
自若

唯辨大  
圖書  
珍  
藏

谷韓萃卯焯之  
定襲官屬開隴

詩發源於三百篇宣聖刪詩首列關雎取其哀樂得性情之正其時諸侯大夫諸侯夫人大夫妻能詩者多由房之歌雞鳴之詠賢夫婦唱予和汝交相警戒此中正之音性情之和樂所由發也至于役之篇柏舟之什憂怨之心變風而不失其正所謂發乎性情止乎禮義也風雅之亡變爲離騷忠君之心芬芳悱惻鬱鬱然不能展其才則託之於辭以見其志自後李杜大家亦多憂時傷事以寫其惓惓之抱其他感懷傷逝之篇更以窮愁易工促節哀音有令人不忍卒讀者言爲心聲其詩

傳則其人之性情亦與之俱傳故夫精忠苦節其人不  
必專工於詩思以傳世而其詩卒無不傳者以其得性  
情之正有不可磨滅者在也四川曾吟村太僕以名進  
士觀政農部出守章江深得士民心先兄文正公治軍  
安慶招致戎幕以勞卒於軍其室左恭人移樽回蜀過  
义魚灘大風幾覆舟恭人撫棺長號呼天泣血風遽止  
舟竟無恙自繪孤舟入蜀圖海內名公鉅卿多題詠之  
傳者美焉哲嗣旭初大令仕晉中余撫晉時嘉其廉正  
有父風泊余持節兩江乃遠道寄太僕吟雲詩稿一卷

並左恭人冷吟館詩詞各集屬余爲序余受而讀之前  
半多唱和之作而太僕忠義之心恭人苦節之操已於  
吟詠中隱然流露太僕奉檄赴軍感作云士爲知己死  
蓋志決身殲素性然也後太僕歿恭人事翁姑之孝撫  
孤穉之艱操心積慮含辛茹悲無不於詩乎傳之嗟峨  
蕭瑟如秋聲夜起萬彙傷懷又如巫峽哀猿淚隨聲墮  
吁太僕恭人皆可謂得性情之正矣憶昔道出九江與  
太僕遇於舟次一見如故縱談時事忠義奮發畧見一  
斑隙駟不留尺波電謝言念疇曩于今垂二十餘年矣

今乃得讀其伉儷之詩夫太僕之忠恭人之節皆不待以詩傳者也而太僕於倥偬戎馬之間猶存遺藁恭人則學與年富所造益精皆天之有意傳其詩而卽以傳其人之性情也今旭初宰襄有政聲去秋其季弟復舉於京兆太僕爲不亡矣恭人則訓誡諸子均底於成始困終亨天之所以報忠臣節婦者又豈僅傳其詩而已哉光緒十五年三月湘鄉曾國荃撰




吟雲仙館詩集者華陽曾吟村太僕所撰太僕歿而左  
夫人小雲編錄之者也其合編之浣香小草吟雲集及  
卷施吟冷吟集暨詩餘各若干卷則小雲夫人之作而  
前三卷作於太僕存時故題曰吟雲後五卷作於太僕  
既歿之後故取拔心不死勵志冰霜之義題曰卷施曰  
冷吟云方余之承乏憲曹也太僕以名進士觀政農部  
逾年出守西江湘鄉相國治軍江皖檄治安慶戎幕以  
勞卒自是不通音問者數十年今年春太僕仲子旭初  
大令自定襄展轉貽書致此集於余閩浙任所屬爲之

序余惟昔與太僕同官京邸時歲時閒一過從知其爲  
篤行君子未知其能詩也聞其有賢內助未知其皆能  
詩而且工也太僕之治郡也夫人實相之所至有惠政  
太僕卒夫人率諸子奉遺櫬歸葬當是時逋寇未平長  
江上下數千里金鼓聲相聞婺婦孤兒嫠嫠然嬰險難  
涉風濤斂隤蹉跌僅乃得達然且伏戎於巫峽碎舟於  
江許又魚灘之役呼天泣血倖獲全濟嗚呼雖古之反  
風滅火何以加焉諸孤幼夫人以養以教俾各成立自  
大令外伯子筮仕閩垣叔子供職比部季子讀父書治

舉業駸駸繼諸兄後一時同官故舊舉欣欣然以太僕  
有子告而夫人之心力則幾瘁矣然後歎此之哀然成  
集者特夫人之緒餘而夫人之純節瓌行宣鐘萬而光  
簡策者在彼不在此也而誦其詩讀其詞則亦可想見  
其勵志之艱貞與教養之勤劬矣太僕詩多有道之言  
夫人詩詞晚年益工而尤以冷吟詞一卷爲佳若蜀國  
懷古並蒂白蓮紅石榴諸什高情遠韻直接宋賢而通  
草花詞云并刀試乍不向東風輕借則想見含荼茹檠  
時操履之純潔太令舅弟濡染母教一旦出而臨民其

能飭官箴而爲太僕光焉必矣余故樂得而序之光緒  
十六年三月儀徵卞寶第謹序

人 吟  
金 靈  
館 詩  
籜 仙



吟村太僕余族姪也持躬孝友同宦燕京時相過往談  
論經旨輒能發明聖賢微奧其批註四書章句等皆不  
外程朱之學蓋於理境有心得焉每縱談時務則慷慨  
悲歌形諸言表嶙嶙丰骨權勢不能動富貴不能移也  
及出守江右余亦典郡黔南值髮捻猖獗音問鮮通繼  
乃聞其從戎皖北竟以勞瘁卒姪孫輩皆在幼冲直至  
辛未春仲其壻林生尙辰來黔持姪媳左氏書並吟村  
詩稿請序於余把卷披誦如見故人不禁掩卷唏噓莫  
識所云爰題於集端以記余之感慨云爾同治十年季

秋之月璧光誌於黔南節署



先夫幼耕且讀、乙未入邑庠、其秋領鄉薦、家計蕭然、常  
憑舌耕、以奉甘旨、及甲辰通籍、後服官京外、十有餘年、  
暇輒紬繹四子書、瀏覽經史詩、則偶以寫懷、不計工拙、  
亦鮮存錄、錄者十餘卷、營次遺失、惟剩零星殘稿、兒輩  
不忍棄置、乞余編次、並刻以遺子孫、吁、余從外祖汪友  
梅先生讀、年甫九齡、先慈棄養、外祖痛心解館、余姊  
妹隨廢詩書、閒與五姊芙、江閨中唱和、然枵腹從事、茫  
無法律、且讀古訓云、女子以德爲主、文辭不足尚也、故  
未研究、第秋蟲應節、不能無聲、寫意與悲、聊作記事珠

耳今輯 先夫遺稿既成因述其顛末云歲次乙酉清  
和月左錫嘉書於晉昌官解

吟雲仙館詩稿

華陽曾詠吟村

小坐

小坐幽窗日影斜  
風停碧樹晚煙遮  
滿階秋色無人管  
鳥啄疎籬紫豆花

夏日卽景

時鳥催耕故故嘯  
四郊油碧麥初齊  
野藤無架青聯幄  
宿藕有花紅過隄  
魚沫浪圓噓水活  
燕巢泥潤壓簷低  
田家自得怡然境  
菽水盤餐進赤蕘

棉花

種杭種秫費商量閒課妻孥事更忙六月雪花開滿地  
不知他日有冰霜

衣人衣我總無私了卻蠶桑種及時廿四番風吹不到  
落花時節雨絲絲

雪亮胸中絕點塵爲民常抱一腔春笑他香國繁華甚  
徒把空花付轉輪

風華還數布衣多信手拈來笑語和祇恐人閒衣羅者  
不知貧女困寒梭

雨後雜興和慎齋四弟

虹霓倒挂水雲涼  
芡嘴初紅蒲葉長  
緩緩夕陽歸牧笛  
微風十里稻花香

述懷

嗟我好散漫邊幅殊未諳  
漁樵率本性舊業依龍潭  
一朝就薄職北地供趨趨  
輒紅障白日埃壒緇何堪  
風塵不我汙西望縈煙嵐  
嵐迎養苦路紆子道恆懷慚  
魂夢時依依無以奉旨甘  
萊彩虛夙願耿耿心憂惓  
何如辭印綬歸棹花溪南  
慈烏獲反哺萬象春暉涵  
整我舊蓑笠

結我飛雲龕山花香馥馥水柳青氍氍嘯歌得自由天  
地咸恩覃

書懷

默默心禪悟夙緣休將來路叩情天舟行順處渾無力  
花到開時本自然葵藿傾心甘向日鷓鴣得意快凌煙  
此中消息憑誰語一炷清香一曲絃

思歸引

欲歸不得歸春風夜夜嘯子規上有奇峰削壁不容足  
猿猱悲嘯鳴哀哀下有深淵百折滾雪浪蛟龍出沒生

風雷既乏謝公屐仰止空徘徊臨流鮮舟楫浩漫興悲  
懷側身西望魂欲飛親舍鬱鬱山之隈荆扉蓬壁清塵  
埃稻粱恆不足游子當胡爲進退維谷肝腸摧烏私殷  
殷仰老萊

秋草

一徑晚煙涼淒淒草色黃野風嘶牧馬暗雨泣寒蟬金  
谷詩魂冷王孫歸路長不堪南浦望日夕下牛羊

秋柳

偃蹇都門柳依依縮送迎風生仍作浪秋老不成聲斷

岸浮空翠沿堤弄晚晴樓臺榮別夢悽切暮蟬鳴

讀金剛經口占

千纏萬縛一齊開悟得真空是本來無住生心心自在  
更從何處著塵埃

喜雪

春苗半枯苦無雪農夫相向聲悲咽乾風倒捲塵埃飛  
辜負梅花空皎潔梅花零落春風歸了無雨雪百卉腓  
嗟我隴頭青欲斷晚霞朝日爭光暉失喜同雲連八表  
雪花如掌風如掃山川浩然悄無聲玉龍盤空水雲繞



銀濤萬頃飛玉塵土膏深透蘇農民且沽美酒獎滕六  
萬物恆涵天地春

涼意

涼意滿城郭無眠獨掩扉雲空天放月夜靜露侵衣雁  
度關河闊蟲吟秋草肥江鄉在何處游子思依依

假寐爲小雲內子作

溟濛曉色澹雲羅窗外閒關鳥語和假寐爲憐唧睡熟  
善懷原比我愁多臉含朝露潮紅玉眉隱春山鎖翠蛾  
料到夢中新得句幾回微笑暈腮渦

鼠

破壁生鼠如生虱我欲捫之捫不得窺燈舐墨惱中宵  
顧我何讐抑何德食貧久廣絕交書門前深轍常迴車  
一室蕭然立四壁琴書以外何有無甑中之塵釜中魚  
區區如此堪贈歟胡爲童山之顛獵復獵陸海之底漁  
者漁君不見仙人拔宅飛昇去雞犬飛騰競攀附嗟汝  
一月三易腸至今癡點誤復誤忘情太上貴安心汝自  
啾啾我自吟怡然高卧得澹定夢中胡蝶相追尋

人日立春

去年餞春別今日迎春歸春歸渺何處楊柳鬱芳菲芳  
菲不可見裊裊含春暉萬物觀其始微茫識化機

署中夜坐

蓬海蒼茫百丈瀾洪鑪九轉欲成丹仙人鍊藥忙如許  
未到飛昇總是難

醉中歌嘯與誰歡脈脈情懷欲語難支枕遊仙飛夢去  
廣寒高處不勝寒

夢餘窗外幾嘯鴉更柝聲殘月影斜纔有今朝成昨夜  
可能閒處度年華

喜僚壻袁厚安兄續懋南來過訪

昔日比鄰居咫尺不相見  
昕夕過君門耳名增健羨  
鬱鬱紫微郎偉然識時彥  
詞壇拔幟登搖筆五色燦天生  
十倍才應作羣英冠  
果爾蓬山頂雲騰若飛電  
瑤島詠霓裳月宮許遊遍  
嗟予塗抹人無由識半面  
種竹鬱琅玕清吟滌星硯  
自愧不能詩遙祝香一瓣  
宦海付升沈此心結如練  
相與無相與藕絲中不斷  
誠極緣自生見晚轉增嘆  
翹翹松柏枝蔦蘿施無閒  
皎皎玉樹柯蒹葭承餘絢  
豈爲譚公私自愜邢侯願  
白眼看世人塵中屢

垂盼抱戚祖東山中情益眷戀杜老慣悲歌況乃遭時  
變詩卷一尺餘大半苦爭戰短衣匹馬游書生氣何健  
相逢更相惜流景逝如箭且看膝下兒脫手行游便語  
深日已殢明月照西院莫負重陽花擬作十日宴

冬初值宿感懷

官衙清冷與僧同四壁風搖燭影紅夢到梅花霜落後  
醉看星斗月明中讀書無補心慚蠹投筆高歌氣若虹  
骨相漫誇飛食肉止戈私願宅哀鴻

鬢發風聲徹夜闌清寮高卧不勝寒百年如此難爲客

四  
三  
不  
會  
言  
利  
不  
十載棲遲且耐官宮漏靜從塵外聽簿書還向倦中看  
未能拔劍超然起猶是書生愧素餐

書懷

歲晚愁難釋尋詩夢亦佳幽花閒曲徑落葉冷空階好  
句經人道清貧與子偕一官匏繫久日暮倚蕭齋

從軍行寄贈同鄉劉仲山

劉郎年少書生耳貌似婦人心孺子一朝拔劍誓從戎  
萬人拭目驚心起金鞍顧盼英風生那信奇男奇至此  
去年烽火蔓千里連營殺賊賊不死東南半壁沈江天

長纓請繫劉郎喜吐氣如虹絕代才柳營幕府爲君開

如何長揖將軍侮局促轅駒吁可哀

聞與向軍門將弁往來失儀隨撤差

使大江橫流人自在斯人不用更何待一朝闌外聊指

揮螯弧先登死無悔君不見青浦萬民懸賊手慘遭殺

戮齊投首突來免胄沈諸梁哭拜呼天呼父母克復疆

邑嘉乃勳

勅賜花翎巴圖魯名號以知府用

小臣聞

命心忤忤雞冠劍佩真神勇五馬前驅一槩橫

### 風箏

欲上青雲路未通最宜高處借東風宮商一奏鈞天樂

流到人閒韻不窮

夢聞子規感作

子規不得歸聊借燕樹棲春風復春風夜夜枝上嗁  
憾憾苦別離胡爲久淹稽客思怨飄泊歸夢幸不迷  
豈無雲路隔恍入舊山溪旣歸夢亦好父老相追攜  
款洽未盡懷小窗鳴晨雞

春日卽事

重門深鎖風蕭蕭主人何處空塵囂馬樾草深卧金埒  
昔年如市今寂寥東皇嘆息空庭宇佩玉鳴珂能幾許



娉婷一笑擲千金猶憶當年盛歌舞梨雲杏雨朝朝新  
蕙怨蘭思愁殺人胡蝶紛飛鶯解語誰家復問春風春  
枝梢拂雲弄風色荏苒春光關不得燕燕情依王謝家  
仍啄香泥補巢缺我來果下春盤馬欲去踟躕立原野  
人生得意幾時歡咄咄書空淚盈把

醉中感作

家貧不算貧尚有甕頭春慣讓花爲主恆邀月作賓夢  
遊天地小笑語性情真醉罷復長嘯浩然清淨身

夢遊仙

笑我終宵睡味濃夢魂直上蓮花峰手摘星辰歷霄漢  
朝罷諸天飛玉龍閒過日觀覽滄海指點蓬壺方丈在  
弱水西迴鶴翥煙瑤草琪花共千載赭赭扶桑浴日紅  
重門高揭海門東丹山小鳳喚夢醒波光猶射雙青瞳

對鏡

霜鬢兩三莖邇來添幾許惟有鏡先知空明無一語  
是明非察察有色卽空空自判妍媸後貪瞋兩不容

柴門

一日闔關辨昏曉百年闔關人都老陰陽消息杳無痕

駒隙流光眞草草古今萬事東流水  
幾人俯仰柴門裏  
壯夫逸氣不尋常跨馬出門日千里

過粥廠口占

一粥未能飽已涵天地春  
恆飢少顏色得食便精神  
怕聽夏羹語嗟來蒙袂人  
寄言當事者加意恤流民

喜雨

久旱喜甘雨清涼滌煩暑  
披襟晨起坐覽景立當戶  
風翻杜若芳籬缺藤蘿補密樹  
鬱參差叢條自飛舞  
好鳥轉清音倦蜨溼仙羽  
引領發浩歌快意倒清醕  
景物靜

怡悅油然而沛幾許遙知上下田苗興滿農圃

甲秋前一日值宿感懷

萬里關山月離家已十年思親懷杖履薄宦負林泉蕭  
瑟槐廳暮徘徊桂魄圓光回雲漢迴翹首望西川

玉署清如水寒光逼上台九霄明月近萬里翳雲開報  
國思難稱臨民愧不才此生憂樂意對景自徘徊

燭短吟難盡愁多思未窮鄉心杯酒後客夢柝聲中宦  
有千秋想家無半畝宮天高羣籟寂涼宇露濛濛

桐老秋光冷天空夜色寒月偏今夕好人慣異鄉看有

夢尋知己無才愧好官悠悠身世意隨境自心安

贈李芋仙 士棻

天與青蓮一枝筆橫掃千人萬人辟幾回夢吐胸中花  
手摘星辰捉明月眼底落落無公侯捫懷恆憶韓荊州  
倚馬萬言試何日謫仙再謫三千秋長安市上眠何處  
人海茫茫鬱煙樹光芒十丈射斗牛輪困蕭索青雲路  
長風歌嘯凌燕臺獻賦豈爲黃金來醉中揮灑意無限  
一曲清平五斗才嗟哉龍門佳士誰品題心肝嘔出無  
人知心香一瓣爲君祝他年名譽申

丹墀

述懷示內子

逝水流光一指彈年年羸馬走長安  
澹中求友全交易貧裏受恩思報難  
重理舊書償夙債偶聯新句當加餐  
金閨幸有同心侶葵藿填胸氣似蘭

獨宿

酒戒嚴於律詩情澹欲仙  
擁衾如凍雀別夢悵唳鶻  
敗壁風聲緊虛窗月色妍  
梅花應笑我獨宿夜如年

遇值

情天何處着閒愁，身世浮沈一海鷗。祇恐無顏對君父，  
何須有夢到公侯。人間清福歸和靖，世上風波總石尤。  
不問買山錢幾許，老聃柱下且優游。

丁巳仲夏與樞元叔璧光佑卿弟省三並同鄉諸

君會于城西可園賞荷

萬象轉眼成陳迹，風月園林誰主客。偶來此地問三生，  
流水琤琮話泉石。草木殷殷如故人，擬邀明月證前身。  
綺筵歡聚曲廊曲，冰桃雪藕交相陳。碧筒香引酒波綠，  
映日藕花出新浴。藕花無語自娉婷，香捲涼颺來滿亭。

試問何人最清妙坐中佳士半年少朱顏白髮共飛觴  
醉倒花前花亦笑閒吟笑傲對斜暉板橋石柱颺紅衣  
閒鷗獨立悄無事俯瞰清波白小肥藤蘿宛轉引歸路  
馬蹏款款穿雲樹玉鞭遙指月初生回首蒼煙橫晚渡

捉鼠行

連夜捕鼠不獲雖少斂迹而游行自若因此戲作

憂思能慧鼠有諸禍機所伏避無趨中有所欲美可茹  
胡爲不食全其軀向聞滄海有鯨魚吞舟若餌餌之娛  
聶之爲膾登諸孟又聞深山藏虎貙罟獲陷阱若爲驅  
腹皮食肉欺其愚人生得失何有無貧賤營營計轉疏



暮夜懷金朝曳裾畏首畏尾如鼯鼯力窮五技長噉噬  
欲遭其睡探驪珠馳驟跳梁翻覆圖終夜號囂追復呼  
平生睚眦多齟齬主人銜怨招狸奴狸奴嚇視空踟躕  
三歲貫汝原稽誅徒奮爪牙將何如嗟哉狸奴鼠之徒  
爰命設伏如守株分我一齧味之腴尙其嗟來食吾餘  
有皮有齒命須臾而今而後得之歟誰知穿墉來徐徐  
莫我肯顧狂也且豈其廉讓有是夫忍飢泣血守一隅  
憶舐丹鼎腸悔汚不與劉安雞犬俱一誤再誤非良謨  
首持兩端難自誣今之鼠輩胡爲乎

夏日出游

鞭絲影裏出城游  
野草閒花綴滿疇  
十里垂楊風習習  
清涼多在水西頭

志在清溪釣隱綸  
水紋圓處誤游鱗  
一簑獨立煙波闊  
誰向江干物色人

綠陰濃護野人家  
籬豆垂垂半著花  
一片蟬聲奏清響  
兩行煙樹罩明霞

樹杪西山遠送青  
周迴城郭列雲屏  
一鞭歸去夕陽晚  
石咽流泉住馬聽

涼意

曉風兼宿雨涼意釀新秋  
花氣濃如注雲陰澹不收  
雁書何日到螢火幾星流  
小坐空庭寂疏簾上月鈎

題水仙便面送王奉齋明府赴湘

偶繪淩波影會心生妙香  
一分塵不染清夢過瀟湘

雨中留別舊居

四壁家無定依依戀草堂  
詩書隨我去風雨替人忙  
三  
雨烏嘯樹雙棲燕繞梁  
萍蹤何日定遙指白雲鄉

破曉卽景

吟雲仙會言和  
半窗落月峭寒生鄰寺鐘敲第一聲瘦竹低垂殘雪重  
遠峰斜護曉雲輕蟻浮蕉葉愁先醉鶴伴梅花夢亦清  
翹首關河歸雁遠故鄉西望不勝情

初春

出門無所見愁絕是囂塵冷落梅花夢蕭條楊柳春  
拔山風力勁浴海日華新回首東南望哀鴻正苦辛

春日感作

春水溶溶雪後泥六街車馬沒輪躑唐花戀蝶薰如醉  
池草鳴禽夢欲迷翠柏不因終歲改黃楊依舊十年低

鳳鳴那爲驚人計祇恐高枝烏亂嘯

廣濟禪林阻雨

四圍人坐雨聲中占木拏雲繞梵宮滿地綠波留客住  
溼煙低亞石榴紅

思親

白髮親年喜懼時遠游何日報歸期一官郎署未紆紫  
十載京華空染緇每望遠書勞夢想況逢多難倍縈思  
倚閭惆悵將安慰愧我長懷反哺私

長書

槐陰滿地日遲遲  
葵扇科頭小立時  
煙柳數株風欲到  
鳴蟬聲應兩三枝

秋思贈內

玉骨珊珊強自支  
貧看蟻鬪立多時  
碧蘿牆外紅絲雨  
秋到蛾眉豆幾枝

寒夜書懷

霜淒月黑天風高  
聞雞起舞心旌搖  
草閒狐兔紛且驕  
揮戈拔劍恆怱怱  
書生何日事戎馬  
手執毛錐胡爲者  
蹤教奇骨不封侯  
一腔碧血快揮灑  
鄭重

君恩欲報難束手能無愧素餐食毛踐土皆  
君賜寸心未盡空長嘆夢繞沙場督塵戰軍威咤叱風  
雲變望望旌旗壁壘新天塹投鞭掣飛電試問鷹揚今  
是誰如鵝如鶴誠可悲英雄末路易肝膽不願雄飛甘  
伏雌可憐萬姓遭荼毒野火燐燐新鬼哭存者瘡痍委  
道旁半壁江南傷跼促嗟哉誰是人中虎年少登壇保  
疆土不誇拔山蓋世雄一朝滅賊氣吞吐君不見韓王  
背水法非古可笑今人讀書腐

春寒

吟雪仙會詩和  
殘雪弄春寒春工擘柳難花光空際鬱草色夢中看裘  
敝思甘酒愁深耐冷官料知吹玉笛人怯倚闌干

秋日感作

東方儘讓侏儒飽端木焉知原憲貧眼看秋空盤俊鶻  
心憐枯澗涸游鱗草元能免覆瓿諄守黑甯遭按劍瞋  
每向鏡中逢故我漫從籬下寄伊人笑他彈鋏無真賞  
肯自吹竽步後塵落落情懷更誰語西風和夢到菰菹  
和丙子詠雪元韻

幽閨無事吟興酣凍雲集霰風捲嵐梅花夢破鶴初醒



紅欄碧甃蒼煙涵芭蕉倒壓竹枝折寒光片片鋪澄潭  
夜深炙硯輿忽動剡溪欲借扁舟探玉山皓然水寂阻  
長空雲色封蔚藍聊與消寒圖九九且將掃徑開三三  
鴻泥寄迹渺然去茗鼎香熟供清談灞橋詩思正無限  
紙窗虛白影倒含呼奴典裘易美酒青旗隱隱飄城南

落花

一片春魂任落花東風無力駐年華夕陽有意空明樹  
流水無情自浣紗紅雨點苔香徑冷蒼煙鎖柳野橋斜  
韶光轉瞬生惆悵綠葉成陰巢乳鴉

津門出游

匹馬蹴芳塵凝眸物候新  
茶亭依敗堞蠓蠓斷隱幽濱  
楊柳青聯驛芙蓉渠紅渡  
津閒游參古刹叩石證前因  
行行不忍去清景洽幽情  
風捲沙堤闊潮迴石竇鳴  
海航排夾岸客館隔重城  
歸騎斜陽外遠峰天半明

秋曉

重幃掩虛寂金穗落孤檠  
冰簟涼侵夢秋濤夜撼城  
星沈山壑暗日出海天晴  
引領靜中趣平林一鳥鳴

都門留別

都門十載衣塵緇萍蹤飄忽多參差人生四海感知遇  
交孚金石無猜疑道以澹成不我棄緣結詩書殊有味  
等閒奉檄西江頭祖餞殷殷拚一醉今夕金樽各盡歡  
來朝駐馬望長安天涯從此嗟離別驛路梅花仔細看

途次偶成

蘆荻蕭蕭護曲溝荒村野店暫勾留西風一徑亂蟲語  
落葉滿林天地秋

晚來襟袖動秋寒土銼參差菊未殘麥飯野蔬供一飽  
何勞十萬費盤餐

油潦村阻雨

秋雨何綿綿陰雲結不散山川氣鬱蒸落木奏清怨客  
子計征程翹企羨飛雁欲止無餘糧欲行悲汗漫驅車  
且前進顛覆時疑憚蘆雪故飄飄衰草多糜爛斯須涉  
路歧聲色輿夫變羸馬失前蹄車轄陷過半泥湓二尺  
餘鞭叱莫能轉扶持人力竭馬毛綴珠汗暮靄橫前山  
憔悴坐塗炭踟躕復踟躕禁止毋煩亂窮途思變計易  
馬添纏絆果然資眾力騰躍登彼岸險巇識平坦安樂  
懷憂患長歌行路難喟然發深嘆

九江舟次遇沅浦宗兄

國荃

偶成

移舟泊江渚奇遇快如何  
話舊宗盟合談兵經濟多  
西江慚印綬南服念干戈  
明日一揮手天涯發浩歌

初夏陡雨

江水定添三五尺  
四山合注萬溪流  
空庭獨立默無語  
秧馬歌殘麥未收

遣懷

幻夢匆匆又一年  
誤人雞犬不成仙  
波平水濶風初定  
雲過天空月自懸  
殘局未終人了了  
寒香乍燼漏涓涓

有懷惆悵峯千疊且傍梅花深處眠

卸篆後用內子遣懷韻

羅雀門容月到關賦閑且住當深山不衫不履堪同俗  
聽鶴聽風尚抱癯有夢何妨歸路遠無才始覺報

恩難鹿車同挽親農務好博椿萱啟笑顏

罷官歸有日矣適案紋隱結一老僧狀眉目宛然  
倚石回顧一行篆云如此歸安且壽因命內子  
繪圖布景併題長句以誌歸思兼留別士民

欲把前生悟後身袈裟趺坐證前因峩眉風月三千路

宦海波濤十八春如此賦歸安且壽果能辭福禍難親  
篋中尚有初衣在高卧雲山不染塵

江城小住倚雲身多士論文信夙因銘共書紳無妄語

才能獻賦已生春

廬陵彭香九永豐劉松  
袞皆庚申春闈報捷

煙霞舊雨深

相契

京秩舊好  
次第還鄉

童冠歌風日倍親好繼南豐香一瓣願

君磨勵步芳塵

襪襖重披退逸身犁雲鋤雨舊緣因田家有樂耕宜早  
眉壽分甘酒亦春柳絮飛時吟筆綰稻花香裏釣竿親  
豐農亭畔頻回首共飽倉箱拂甌塵

吟雲仙館詩和  
自呼明月問前身修到梅花幾世因欲證莊嚴還有相  
偶教遊戲便成春漸嘗世味官情冷卻話家山客夢親  
檢點行囊無一物脩脩琴鶴出風塵

題叢瀛石太守 占鰲 荷淨納涼小照

君抱冰雪心長貯玉壺裏天地熱炎炭清涼乃如此靈  
根托泉石寄懷良有以香氣襲人衣涼思動芳沚塵淨  
水不波花明影連理煙銷鷗夢閒月落魚波駛人醉我  
獨醒我醉花亦喜紅衣自娟娟翠蓋凌風起人境雨清  
絕水天浩無滓我畏塵世囂不衫還不履洗耳滌煩襟



沁脾嚼花蕊不識熱中人惟愛寒酸士君許有同心落  
落吾與爾偶展圖書看清風忽滿紙冷語帶煙霞贈君  
君曰唯荷花何日生攜酒拜庭址壽花兼壽君一笑無  
終始

題張達夫尊酒垂綸小照

渺渺煙波一釣徒瓊漿玉液向誰沽絲綸尙抱江湖志  
不問歸來食有無

萍開風細水漣漪雲影天光碧四圍鷗夢不驚魚自樂  
醒看花落醉忘機

重九叢瀛石太守招飲于虔州八境臺

江城西北有高臺九日登臨倦眼開勝地雲山看聳峙

昔賢風雅得追陪放懷詩酒都餘事笑卻烽煙羨俊才

回首當年征戰迹菊花香冷思徘徊

昔年粵逆圍虔幸汪彤階觀察楊繹

堂叢瀛石太守極力捍禦得全民至今戶祝云

奉曾滌生節帥國藩札調襄理安慶軍務感作

荏苒誤歸期青陽疾如矢關山動鼓鼙杞憂無定止大  
帥飛檄招情殷念窮士尺書復我責義理明要旨何以  
盡厥忠士爲知己死西望心旌搖囊劍渡秋水

布穀

布穀布穀聲何促一聲未了一聲續勸農何事不歸耕  
無限良田荒草木我來憑弔心徬徨人語不聞響空谷  
但聞山中妖鳥學鬼哭肌膚白日寒生粟君不見連雲  
大廈仍鬱鬱中有枯體互仰伏壯者行矣遺老羸已飽  
狐狸蠅蚋腹至今東飛西走思食肉又不見霖雨旣沛  
春水足野花自紅草自綠布穀有聲誰布穀

行石太閒見茶桑感作

桑老無蠶飼茶老無人摘雨過綠參差寂寞寒春色

三折嶺

碧苔石磴曲盤空  
夾道山花寂寞紅  
雲鳥迴翔之字路  
馬蹄聲在亂山中

青陽諸邑餓殍纍纍甚  
有食人而死者憑弔淒涼  
歌以當哭

瓦礫鱗鱗白骨堆  
非關凶歲死堪哀  
食人面目焦如土  
罵賊肝腸死未灰  
多少孤魂遊水國  
往來燐火傍山隈  
妖氛掃盡須勤撫  
零淚紛紛落酒杯

連克青陽石埭太平涇  
縣等城積穀甚多開倉  
普

濟飢民

十年陷賊田荆榛  
啣殘餘粒倉颺鳴  
兒女飢啼淚如雨  
阿母泣血烹藜羹  
藜羹未飽投箸哭  
哭問阿爺何處宿  
昔年賊捉阿爺去  
至今生死未能卜  
村前村後東西隣  
人肉入釜骨作薪  
草木無根鼠雀盡  
子遺不死今幾人  
君不見城破倉廩粟  
如土腴民脂膏賊  
如虎將軍殺賊  
更開倉散粟濟民  
眾歌舞

青陽捷後民未歸  
耕荒涼滿目

綠愁紅怨暮春閒  
江草江花淚雨潛  
城郭坵墟遺老泣

樓臺烽火夕陽殷淒涼山寺雲千疊寂寞林塘水一灣  
蛙鼓聲中明月夜可能飛夢到鄉關

石埭駐馬

鶴唳風聲年復年九華山翠障烽煙荼蘼鎖怨泣紅雨  
桑柘無言搖碧天是處夕陽聞野哭幾時春未向江田  
瘡夷滿目將安補駐馬青郊淚黯然

榆次 楊時龍校

男 光煦敬刊

